

大寶積經

第十

七十三  
龍十

47518



元祿九年丙子二月日重脩

皇圖聖業 固 帝 漸 緞 昌

佛日增輝 懋 輪 常 轉

山城州天安寺法金剛院置





大寶積經卷第十

西晉三藏竺法護譯

龍

密迹金剛力士會第三之三

尔時寂意復問密迹金剛力士如來有幾事  
秘要一切聲聞諸緣覺地所不能及也何況  
凡庶闇蔽之類善哉密迹願意樂任頌宣如  
來秘要普入一切衆會咸欲聞之密迹力士  
謂寂意曰諦聽諦聽善思念之今當敷演如  
來秘要有三事何謂爲三一曰身密二曰口  
密三曰意密何謂身密如來於斯無所思想  
亦不惟念普現一切威儀禮節或有諸天人  
民自喜經行見覩如來經行之時諸天人



心自念言世尊為上斯等逮見如來身密佛  
之所念亦不思望一切衆生觀見如來至真  
妙德威儀若諸天人喜坐見如來坐若諸天  
人喜卧見如來卧若喜聽經見如來說經若  
喜寂靜見如來默然若喜禪思見如來三昧  
若天人民目視不眴若見如來目未曾眴若  
意自在有喜光者便見如來光無所礙有喜  
紫金色者亦見紫磨金色若諸天人民喜銀  
色水精色瑠璃色碼碯色碑磔黃金色真珠  
正白正赤黃白紅紫色或取明月珠色暴亂  
色焰光日月四天王釋梵阿須輪或中分色  
須弥華色或思妙色或藥形色或碧石色或



無憂華詹蔔華色或思夷華色或青蓮華紅  
黃白華色或了怛利天色或毗沙門王顏或  
四天王形首藏青帝黃帝赤帝白帝或虛空  
淨或天人民心志無量品色各異亦見如來  
若干品種功勳德色如是寂意正使江河沙等  
者弗世界滿中衆生有舍命類展轉相愛展  
轉相生皆使罪畢得爲人形從思想生其中  
一人王使所生亦猶如彼一切衆生如來亦  
見若干品色威儀禮節心所好樂不可限量  
悉欲察知本末言行亦復如來至真有以是  
緣各於衆生現如來像威儀禮節言行使然  
猶如一人心得解脫不與二人俱共同也欲

宣至實心得解脫乃至乎道如來至真乃能  
可悅一切衆生以悅衆生顯示色像威儀禮  
節言行亦然猶如寂意清淨明鏡隨其色見  
以往照之則現其像不失本類等示無異未  
曾變改明鏡照形亦無想念如來如是雖以  
法濟一切衆生無有想念無利養心可悅一  
切衆生心行隨上中下深淺之法開化度脫  
三界迷惑是為如來身行秘要密迹金剛力  
士復謂寂意菩薩如來秘要亦不分別陰種  
諸入不歸罪福不生塵勞不成父母無四大  
胞胎亦無骨肉所聞功勳無塗華香悉無所  
有不繫在色無出入息壽命滅盡欲知佛身



則是法身身身無有色無衆妄想所現色相爲  
貪慕好求豪尊位衆生之故而示形相令因  
覩矣法相靜寂爲敬慧故一切衆生使趣天  
眼密迹復謂或意若有衆生俱在一會各見  
佛身以緣意觀其遠住觀住本不見其住本  
也見住遠不見者無意緣也見者以亂意緣  
不見也若以意緣不得見者若以己身而察  
見之用見他人故不見之也又見他人故復  
能見者用見己心故不見之也其在夢中有  
所見者從夢覺已則無所見也定意所見起  
無所見起往所見定無所見其空靜所見不  
靜不見其在空靜則無不見其見無業離於無

業無所見之其離無業乃有所見一無所見  
密迹復謂寂意其如來身從無數事各隨顯  
見其色行天身行寂然威儀禮節而心自定  
然後復亂斯如來身無有邊際亦無限礙亦  
無妄想不可想節如來身者不可限取無若  
下像如來身者亦復如是無所不徧猶如虛  
空不有妄想如來若斯永無思想猶如虛空  
皆以徧入一切形色如來若斯悉以周遍照  
諸衆生猶如虛空普入諸色間開其裏如來  
之身亦復如是普照衆生靡所不遍猶如虛  
空皆長一切百穀草木如來若斯至真之體  
長育德本猶如虛空不計有常及與無常亦



無晝夜如來若斯身不有常不云無常不能  
見其頂又復寂意諸佛世尊佛以普見天上  
世間魔王梵天無敢當佛覩其頂者諸天龍  
神捷杳和阿須倫迦樓羅真陀羅摩休勒人  
與非人聲聞緣覺若諸菩薩莫能堪任見如  
來頂所以者何佛成道未久時轉法輪遊波  
羅奈東方去是世界甚遠乃得思夷華佛土  
世界曰懷調有菩薩名曰應持來詣忍界奉  
現世尊稽首作禮敬問供事禮足下已遶佛  
七帀則往其前應持菩薩時心念言我欲度  
知如來身限自變其身高三百三十六萬里  
觀如來身五百四十二萬兆垓二萬億里則

心念言我獲神足神通自娛我寧可復測度  
佛身所入云何佛以威德以神足力上方去  
此百億江河沙諸佛國土有世界名蓮華嚴  
其土有佛名蓮華上如來至真等正覺現在  
說法應持菩薩往在其前不能覩之在上而  
立遙視永不逮見世尊大聖能仁佛頂欲見  
頂相永不得見也不知佛身高長廣遠幾千  
億載江河沙佛土時應持菩薩往詣蓮華上  
佛所稽首佛足右遶三匝住於佛前而白佛  
言我身所來去是遠近佛言去此百億江河  
沙佛土卿族姓子從彼到斯應持菩薩白佛  
言我上過到若干佛土不能得見釋迦文佛



頂不知高長幾百千億江河沙佛土彼佛答  
曰假族姓子以是方便聖明之慧斯神足力  
從此轉上江河沙劫忽以越過上所喻佛土  
尚不能得見於世尊釋迦文頂亦不可得其  
身邊限又族姓子當知佛身無限巍巍如是  
不可譬喻諸佛世尊不可稱載又族姓子用  
無侶故名不可喻如來禁戒亦無譬喻三昧  
定意智慧解脫度知見品身口心無色相衆  
好悉不可喻一切衆生以若干品引譬舉喻  
咨嗟如來禁戒無極定慧解脫度知見品身  
口心業色相威好猶如虛空不可得邊如來  
之身無際若斯於時應持菩薩聞蓮華上如

來所說欣然大悅得未曾有即禮佛足遶聖  
七帀沒彼佛國承佛聖旨蒙已神力發意之  
頃到此佛土往詣佛所前稽首禮釋迦文佛  
足右遶七帀則住佛前以偈頌曰

欲解遶佛身  
以捨所造作

猶如喻虛空

樂得知邊際

過此百千億

無量江河沙

上越若干土

欲見佛身頂

過到無限土

至蓮華佛界

樂得身邊限

不覩見佛頂

其彼國土佛

名曰蓮華上

見我心所念

便以分別說

假使引衆喻

講諸佛世尊

便不順佛教

則為誹謗聖

若欲知譬喻

諸佛法平等

須宣虛空限

實無有邊際



設猶如虛空

佛戒禁若斯

定意智慧業

解脫度知見

猶虛空無際

色身亦如是

欲觀世護頂

等譬如虛空

如虛空所周

佛身徧如是

如虛空所徧

光明照亦然

其光照所至

有言辭若茲

如言辭所至

心徧亦復如

如心所徧至

慈心布如是

如慈心所徧

慧周等無異

如慧之所周

身所周若斯

功德亦如是

道心無有二

如道心功德

解色亦如是

充滿於虛空

所度復越是

如一切衆生

所受福德品

其發道心福

一人德如是

如其發道心

功德業名稱

若受正法者

功德過於彼

一切諸佛興

須宣百億劫

難持正法功

不得其邊際

其興於道心

而護諸正法

好樂解空無

十六不獲一

以樂解空無

則不失道心

執持尊上法

是慧乃和同

逮得斯法趣

菩薩則勇猛

獲致佛功勳

奉修佛道行

說是頌偈時

震動億佛土

諸天億百千

鼓億千伎樂

無數億千人

悉發大道心

因聞大法故

應持之所歎

是虛不可議

無上不可限

諸佛普示現

自在之秘業

密迹力士謂寂意曰是如來身秘要若彼眾

生皆集一會或有能見如來身者或不見者



其能見者歡喜觀之其不見者默然而觀如  
來不食衆生悉見如來服食又寂意知如有  
天名精力初化受道取如來食而器受之濟  
諸窮乏衆人皆見如來而食見如來舉食著  
於口中自然還器諸天子取往古宿世如來  
所種植衆德本而有餘殃在在所生就與羸  
劣使服食之飢乏困厄不得食者如來愍此  
以食授之是衆生等食斯飯已身體安隱消  
除塵勞衆想休息心性仁和志存無上以平等  
覺發不可思議以是之故當作是觀如來不  
食如來至真以法爲食所以者何如來之身  
或鉤鎖體猶如金剛鏗然堅強不可破壞其

如來身無有生藏亦無熟藏復無堅軟亦無  
不淨大小諸便效唾之穢又如來身如紫金  
色無怯無弱不有恐懼寂意且觀於如來身  
曠然無極甚妙堅固猶如金剛而身柔軟如  
細天衣或時止妙顯微妙身天人玉女稽首  
足下禮如來身觸如來足柔軟極細不可爲  
喻悉發無上正真道意永無衆塵若貪婬人  
瞋恚愚癡若有等分見如來身適值目覩其  
姪怒癡所有等分一切身行悉爲消除無復  
衆塵若有慳貪犯戒瞋恚懈怠亂心思癡使  
布施持戒忍辱精進一心智慧取要言之若  
有離於清白之法見如來身棄不善想皆修



德本以不妄想觀於如來乃曰真道是爲寂  
意如來身秘要若有布施如來瑞應所化自  
在以律開化衆生不受長育解衆生想而爲  
須宣建立應度如來於彼觀無所業又無所  
行如來至真未曾念是我當化形所當化者  
若方當化心自念言又他所觀如來至真在  
此業前乃至世界所說土地無數世界如來  
所化往來所至如來在彼觀無所想其如來  
者從身放光明若干種色無央數色不可計  
限百千曜色其光所照江河沙等諸佛國土  
光明遠照所奉行業衆生皆從彼開化之以  
是無業所作行無是故寂意如來身秘要諸

所念行所頒宣說所成就發無上正直道意  
又如來身秘不可稱計說是如來身行秘要  
時十千人發無上正直道意八千菩薩逮得  
無所從生法忍諸天人民阿須輪世間人讚  
歎密迹善哉善哉諸天伎樂不鼓自鳴雨於  
天華世尊以右紫磨金色手舉著密迹金剛  
力士頂上歎曰善哉善哉密迹快善說是如  
來身秘要今所宣說如佛所教而無有二密  
迹力士謂寂意何謂為如來口秘要其夜如  
來逮無上正直道成最正覺至無餘界泥洹之  
界滅度日夜於其中間施一文字以能頒宣  
一一分別無數億載講演布散無限義理所



以者何如來常定如來至真無出入息無所  
思念亦無所行無復思想悉無所行雖口所  
宣無想無行如來所行無應不應無言無說  
不想有人世尊所說一切超越二昧正受皆  
以文字而分別說須宣文字而自倚著一切  
衆生如是周旋往來如來為我講說經法是  
則名曰如來在彼亦無想念如來所觀而知  
止足其舌之門口宣音響聞所宣音莫不悅  
喜而演如來言辭之教散一音聲悉普周徧  
衆生所思想衆生心念是則如來從口敷演如  
來言辭出六十品各異音聲何謂六十吉祥  
音柔軟音可樂音悅意清淨音離垢音顯曜

音微妙音明聽音無亂音無憤音師父音無  
剛鞭音無麁獷音善順音安重音身所吉和  
音隨心時音空悅音與愛安想音無惱熱音  
方正音識達音親近音意好音歡悅音和教  
音曉了音精勤音忍和音重了音其響音去穢  
音應師子音龍鳴音雨好音海雷龍王音真  
陀羅伎音哀鸞音鷹暢音鶴鳴音耆域音英  
鳥音雷震音不卒音不暴音普入響音去非  
時音無乏音無怯音悅豫音通暢音戒禁音  
美甘音進行音廣普音具足音諸根無班音  
不輕疾音無任音響音普入衆會音宣諸德音  
密迹金剛力士謂寂意菩薩是為如來六十



品音其如來音普通十方諸佛世界可悅一切衆心性行如來所觀無有妄想如來道心不作是念吾當爲其口宣經法通聞經德經所演經分別經頌詩經藏經於是順經生經方等經未曾有法經譬喻經章句經若說古喻若有引喻有頌宣言論談語諸無上講諸事敷演衆事有所處當分布遠近開通其本自解曉了宣暢其義而爲開化又衆會等如來至真所宣法曲親近佛坐入比丘衆比丘尼清信士女諸天龍神捷沓和阿須輪迦留羅真陀羅摩休勒若人非人衆會之黨隨衆生根所行精進從所樂法而令入道以順入

道求衆生無因開化之樂法音響亦復如是  
斯諸衆生心自念言從如來口出不以各各  
說法隨心別異言行應時各各聞法而得開  
解是則名曰如來口密要也又有寂意無數  
衆生行不可計其所言辭八萬四千闍處下  
劣誘進此輩無明衆生入如來法而蒙開化  
又衆生行不可限量若有貪婬隨時因彼衆  
生所行由入其中便救濟之怒癡衆生及等  
等分行三事蔽衆生之類隨其三界思想之  
頃莊嚴拔之令無所住而無異心入衆生類  
罪福之行而爲分別現如來壽壽而有限盡不  
知衆生所行罪福以權方便各說異法如來



善權衆生無限不可計量所行不同便爲頒  
宣若干品法又以衆生在於我所面現相值  
如來所說悉徧入心隨其本行宣布道業各  
解入道是則名曰如來秘要若有菩薩入如  
來秘要是等不知謂於如來至真演有爲之  
門而如來法悉是無爲又有如來宣一品音  
衆生想念坐有所說唯憶想樂如來音者妄  
想所說不當作是觀而如來口永無所說所  
以者何或有衆生聞如來音眉間之相謂之  
在頂若有想髮知之紺色從天中時目善明  
好人不堪任諦視如來所以施與消除諸非  
棄諍訟門無危害心若頸肩臂去衆陰事若

諸指事若以身脅若有宣頌從背至足若以  
腹若以齊又陰馬截若以膝膈無瞋休息若  
以有相及成種好於世最上若有想知如來  
至真聞其音響隨其所好諸根厚薄從其應  
度而開化之演斯音訓悉使入律雖尔如來  
所觀開化亦無想念猶如寂意或譬如伎樂  
以調其音以手鼓之其聲悲和無有在彼作  
是聲者皆由方便緣合而有殊特悲和之音  
如是寂意如來言辭化衆生心緣其暢教如  
來在彼有所演說無有偏黨皆是宿緣所造  
立行而有殊特如來至真在於衆生超絕巍  
巍由本殊特猶如寂意呼聲之響其音遠徹



其音所出不在於內亦不處外不在中間如  
來若斯宣音訓誨衆生之心其辭言教不從  
身出亦不從心不內不外不從中間猶如大  
海之中如意明珠演其光耀可一切衆若寶  
明珠繫在幢頭遍照城市從衆生心所欲志  
願其明月珠出寶衆人各得所欲斯明珠寶  
亦無想念如來若斯其有寶心志存清淨執  
大哀幢從衆生性根無所不應各使開解雖  
顯是教亦無想念是則如來所宣秘要密迹  
金剛力士復謂寂意菩薩吾今普觀天上世  
間諸魔梵天沙門梵志諸天人人民都不能限  
如來所宣音響是文辭所以者何我身憶念如

是世尊在靈鷲山與諸菩薩眷屬圍遶而有  
法典名淨音場廣為衆生而頌宣此時慈氏  
菩薩之所建立當余之時賢者大目連心自  
念言吾欲試知如來音響所徹遠近時大目  
連自於其坐忽然不現任須彌頂聞如來音  
如在目前自以神力即遊於是三千大千世  
界最在其邊越衆須彌諸四方域一切鐵圍  
山住在極邊大鐵圍山頂聞如來音如故無  
異如近不遠佛自念曰是大目連欲試如來  
清淨音場吾今寧可顯其神足於是世尊發  
現神足時大目連承佛聖旨蒙已神足西方  
界分去是懸遠然過九十九江河沙等諸佛



國土有佛世界名光明幡又其土佛名光明  
王如來至真等正覺今現在說法目連到彼  
往其佛土故聞佛音如人對住聽所語辭其  
光明幡佛土有大光明佛身長四十里諸菩  
薩身長二十里其諸菩薩所食鉢器其高一  
里目連行鉢際上時諸菩薩白世尊曰唯然  
大聖此蟲何所從來被沙門服行鉢際上於時  
彼佛言諸族姓子慎勿發心輕慢此賢所以  
者何今斯耆年名大目連是釋迦文佛諸聲  
聞中大弟子神足第一時光明王佛告大目  
連吾土菩薩及諸聲聞見卿身小咸發輕慢  
仁當自顯現神足力承釋迦文佛威德聖勢

時大目連往詣光明王佛所稽首足下右遶  
七帀却在前往白其佛言又今是身我欲跏  
趺坐此地容不佛告之曰如意所樂時大目  
連涌在虛空億百諸仞在彼寶域便作一牀  
跏趺而坐從其牀座垂衆名寶珠瓔億百千  
垓一一珠瓔一一珠中演百千光一一光明  
各有蓮花一切蓮花現釋迦文身坐蓮華上  
其所說音如釋迦文音響清淨頌宣經典等  
無有異時大目連顯神足力已復往佛前時  
諸菩薩得未曾有怪之所以前白佛言是大  
目連以何等故詣此世界世尊告曰欲試釋  
迦文佛音響音所徹遠近故到此土時光明王



佛告賢者大目連仁者不宜試如來至真音響無限無有遠近豈欲知限卿甚大誤假使目連仁以神足過江河沙劫西行不休不能得知如來音響音所聞諸佛世尊音響曠遠超絕無限巍巍無量不可爲喻時大目連在彼世尊自投足下自懺悔過唯然世尊我身不敏佛音無量而橫生心欲知其限所聞遠近其光明王告目連曰汝雖遠來過九十九江河沙諸佛世界到此佛土復白佛言甚遠甚遠天中之天身甚勞極不能復還至其本土世尊告曰於目連意所在云何以已神力到此世界莫作是觀故是世尊釋迦文佛威德

所立到此忍界當遙自歸稽首作禮於釋迦  
文佛其佛聖旨將仁本土假使卿身以己神  
足欲還本國一劫不至卿現來至到不見能  
仁佛滅度時於目連意所念云何我從何方  
東方南西北方乎目連答曰不知何方也今  
以迷惑不知本土何所在處為在何方世尊

龍寶積卷十

十二

告目連釋迦文佛在於東方時大目連右膝  
著地向釋迦文佛在東方叉手自歸尔時頌曰

唯天人之尊 見垂力愍念 威德大巍巍

天人所恭敬 音響徹無量 其慧無邊際

願顯其國土 今欲還斯土 郭道通捨

如是寂意諸佛世尊音聲無際不可限量釋



迦文佛遊在靈鷲山時舍利弗聞賢者大目  
連宣揚大音怪之所以賢者阿難前白佛言  
誰爲於今宣揚大音遙自歸命佛語阿難者  
季大目連在西方境去是九十九江河沙佛  
土世界名光明幡其土佛号光明王如來至  
真今現說法者年大目連到彼佛土意中欲  
還歸斯國土故遙宣揚此大洪音阿難又問  
以何因緣到彼佛土佛告阿難大目連至當  
問其意時大衆會各白佛言欲樂得見光明  
幡世界及光明王佛如來至真等正覺覩大  
目連遊在其國尔時世尊見諸衆會勸助意  
時從眉間相有大光明名俱受照九十九江

河沙等諸佛世界至光明幡佛土其大光明  
普徧衆會悉覩其土光明王如來至真大目  
連見之自投其地稱宣大音介時世尊釋迦  
文佛告賢者大目連承其光明來還此土時  
目捷連依佛光明發意之頃還到此土稽首  
佛足右遶七匝則住佛前悔過自歸重自剋  
責我甚迷誤如來音響不可限量而欲試之  
我所至到極為曠遠所至到處聽音適等近  
不覺遠如來音響巍巍無際佛言如是目連  
如汝所云如來音響徹遠無以為喻欲知如  
來音響遠近猶限虛空欲得邊際所以者何  
猶如虛空普周無邊如來言辭響徹無際廻



遠如是寂意當說目連往反品時尋於彼會  
一萬人皆發無上正真道意是爲如來言辭  
秘要密迹金剛力士言於寂意所知云何一  
切衆生心各所念寧可知乎寂意荅言一人  
心念思想難限正使三千大千世界衆生一  
劫共計觀察多少不能知之何況一切衆生  
心念思想不可稱限乃如是也今故語汝慇  
懃囑累計如一切衆生心想所演音響無限  
若斯何況一切衆生心性は無形想不可計  
喻於是頌曰  
三千界衆生 皆使成緣覺 一人一劫中  
心念不能知 一切心所念 佛悉知志思

以無想之心

佛悉了所念

其一切衆生

三世所想念

世護口所言

所布各得解

佛隨之所念

宣音講經典

斯音響在心

乃演其道宜

如一切衆生

所思諸名色

世雄一毛孔

所演光如是

如一切衆生

名色及心念

如來演音響

過於彼衆想

佛頌宣一切

引喻計諸想

其音不休廢

不得佛言際

無色誰能得

愍無言之辭

無色無有言

消滅無色塵

假使塵無色

一切不可得

以是無色塵

究竟不可獲

設言虛無實

無內亦無外

塵勞虛空等

故曰無內外

如使不得辭

佛言通十方



塵勞亦無際

斯建立所處

一切衆生言

上中下之辭

無身口心事

不捨無所立

想應如倡伎

諸天之音樂

亦無身言辭

而音響普周

如是本甚淨

衆生心若斯

佛皆頌宣之

其心無所想

猶如呼聲響

無內亦無外

人尊言如是

乃無內無外

無想如妙寶

所說悅衆生

其言無妄想

可一切萌類

密迹金剛力士謂寂意曰是則如來口言秘

要又如來密要隨其音聲而為衆生說法開

化斯三千大千世界設若干種如來至真宣

布訓誨從其音辭以不可計諸有名号化立

至誠若生無業斯則名曰苦習盡道名曰地  
神擁護其心堅固意本於是呪曰 阿裨

阿婆牟黎 加何呵那移 柯迦優頭

是呪護一切是乃名曰苦習盡道其虛空中

一切諸天悉歎所言各宣呪曰 活知 阿

活知 阿活吒迦彌 阿和尼捉黎

是神呪救護一切是則名曰苦習盡道其四

天王諸天復說呪曰 伊泥彌泥 多閉多

多閉 維盧 救一切衆生是則名曰苦習

盡道法彼忉利天上諸天呪曰是神呪護一切

其迴轉 貫習 主滅盡 為盡不相舉要

第三焰諸天而復呪曰 首黎道羅斯 和



尼道羅犀雖邪 道犀雖邪被和尼

第四兜率天說呪曰 獨犯面觸

迴轉積畜業 是神呪護一切

第五樂無慢天說呪曰 所度俱所度

護所度 主度女 是神呪護一切

第六他化自在諸天呪曰 呵呼事業呼

和泥移 啊羅尼舍 是神呪護一切

第七諸梵天呪曰 有事業 事業種

因緣樹以因緣度 是神呪護一切

第八梵身諸天呪曰 清明 造清淨

清淨風 動清淨 是神呪護一切

第九梵滿諸天呪曰 無極氏 俱將去

道御主 念堅要 是神呪護一切

第十梵度著諸天呪曰 和那和那散提

和那呵呵那 和那拘摩那 是神呪護一切

第十一大梵諸天呪曰 木密 木密鞭

彼亦鞭 印氏 是神呪護一切

第十二光曜諸天呪曰 伊諧諧 將諧去

親近 是神呪護一切

第十三少光諸天呪曰 是取去 不將去

不使去 無所至 是神呪護一切

第十四無量光諸天呪曰 貫謂 俱供謂

謂滅盡 謂無量 是神呪護一切

第十五光音諸天呪曰 以斷終 自在斷



順從和 常清淨 是神呪護一切

第十六約淨諸天呪曰 所至趣 所可歸

近所到 以近所到 是神呪護一切

第十七少淨諸天呪曰 清淨 清淨氏

淨復淨 歸清淨 是神呪護一切

第十八無量淨諸天呪曰 無我氏 無吾

我氏 非貢高歸自大 是神呪護一切

第十九淨難遠諸天呪曰 解脫以度

迹解度 本近解 是神呪護一切

第二十廣果天第二十一御辭天呪曰

以無作 無所作 除所作 所作究竟

是神呪護一切 密迹金剛力士言是則名

曰苦習盡道所當奉行所應開化而隨律教  
顯現微妙無極之業第二十二離辭諸天第  
二十三假使諸天第二十四善見諸天第二  
十五一究竟諸天淨居有四天所謂奉行決  
了一處究竟天真究竟天無瞋恚天不親近  
天是為寂意諸天立至誠誓慧衆如是諸天  
又鬼神捷沓和阿須輪迦樓羅真陀羅摩訶  
勒迦盧迹鬼神持花鬼神其言辭教各各別  
異又寂意是閻浮利天下大國具足有一千  
各有大郡其十六大國以用治政而相攝護  
各自咨嗟一切諸人及與非人言語各異音  
聲不同辭有輕重如來聖慧從其音響隨時



而入皆悉化之立正直真業各有種号釋種安  
息月支大秦劔浮擾動丘慈于闐沙勒禪善  
烏耆前後諸國匈奴鮮卑吳蜀秦地諸麼夷  
狄他羅多愚民野人及諸須曼耶呪女人處  
國牟兜吒國因緣國波羅奈國數樹國金本  
國腓羅本國倚腓沙國益本土上本國他談  
國北方異國西方所持國海中諸神衆蟲魚  
鼈龜諸山中神有形含血之類阿拘羅摩拘羅  
阿那散諸牧羊諸禽獸所負諸癘種心不平正  
前曾生者處在世者如是寂意如斯千國周  
圍充滿於閻浮利天下各自異居又是諸人  
及非人類言語各異志操不同音聲各別如

來至真隨其言音而入其中因開化之立於正  
真密迹金剛力士謂寂意菩薩曰此三千大千  
世界有八十四億百千垓衆生之類言詞各異  
計是一切皆歸一議至真之慧至誠無怒如是  
寂意是則如來言詞秘要又寂意如來言詞決  
於一切衆生疑網令無餘結十方一切所有衆  
生衆生種類多於地土此衆生之類所行各異  
與本不同罪皆使畢逮得人身以得人身從  
思想生是諸衆生逮得智慧辯聖勇猛如舍  
利弗合斯智慧爲一人聖如是比像普使衆  
生皆得智慧各如前一聖明以是聖明在於  
一劫若過一劫智慧禪思以察衆想求其本



未如其一人智慧禪思不復訓誨從第二人  
咸受言教智慧聖達各有大明以是比像斯  
衆生等各各無疑往詣如來如來一時彈指  
之頃悉說本來大聖如是常以一心入於一  
切衆生心念皆能分別慧明所在以一言辭  
悉泐結網各各處當慧本所在各令欣然而  
得其所所聞如來智慧明達如來悉令明了  
又次寂意如來悉泐一切衆生前後所疑令  
無餘結是爲如來言辭秘要所入音響又其  
言教是不足言如來言辭不可限量無以爲  
喻說是如來秘要言詞時二萬二千衆生皆  
發無上正直道意一切衆會得未曾有普聞

密跡金剛力士宣如來言辭秘要之業各懷  
悅豫各從座起稽首自歸

大寶積經卷第十

龍

自言意

許記反

不胸

音所闕

音閒開

上古見反庸也下古還反謂屈曲穿過也

謂色中間雜而俱法身也

鏗然

上苦耕反

效唾

上苦愛反

鹿獮

古猛反膝腓

上星上反下市充反

阿裨

卑脾二音柯迦

上古何反

拏梨

上文履反屏斯

和尺

音夷又作和尺

羅犀

音西極氏

上丁禮反印

伊諧諧二

呼皆貫

謂音習又吐涉反非也

丘茲

上去求反上西域記云作

按

于闐殿

禪善

上帝戰反

鮮界

上音仙下音甲山名因山為國号

麼夷狄

上莫果反下徒的

眾虫

許鬼反又音中


魚鱉龜

并列反

瘿種

上力主反下作儂





猪飼順良寄附

